



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. VIII. S. Augustinus proficiscens per deserta Etruriæ, apud Eremitas
subsistit. Item pueruli apud mare apparitio.

urn:nbn:de:hbz:466:1-42857

commoda: quod quidem Augustinus ei libens præstitit: ac vicissim Simplicianus & collegæ quibuscum viuebat, continuò se Augustini Regulæ subiecerunt.

CAPVT VIII.

S. Augustinus proficiscens per deserta Etruriæ, apud Eremitas subsistit. Item pueruli apud mare apparitio.

B. Iordanus lib. 1.
Vitasfr.
cap. 14.
P. Ribadineira in
Virâ.

Plin. lib. 2.
Epistolar.
P. Bergomensis l. 11
Supplem.
Volater. &
alij.

ARBITRATVS autem Augustinus, in patriâ commodiùs Deo vacare se posse, matris precibus etiam accedentibus, Romam versus itineri se accingit; & vale dicto amicis, in primis Simpliciano & Ambrosio, ab eisq; benedictione obtentâ, proficiscitur cum Alipio & Euodio per deserta Etruriæ, quæ alij vocant Montem Pisenum. Quibus in locis cum velut suauissimum odorem sanctitatis percepisset Eremitarum illorum qui inibi morabantur, ad eos cupidè deflexit, inuenitque complures in eis partibus, quas Centumcellas vocabât (erant autem centum Iudicum totidem cellæ, quas Adrianus Princeps ædificandas curauit ad audiendum se præsentem causas) sanctimoniâ vitæ insignes. Inter hæc ædificia iam diruta viuebant iidem viri religiosi, qui Augustinum doctrinâ & sanctitate multò sibi antè notum (vt suprâ ex Petrar-
châ

châ & aliis demonstratum est) amictum veste religiosâ, similiter & ipsi vestibus induti monasticis, honore magno receperunt. Qui talium virorum consuetudine, suæ non absimili, multum delectatus, longiores apud eos moras traxit; vt Martinus Quintus^a, Gerson^b, & Mantuanus^c de eodẽ testatur: loquens enim de S. Augustino, ait:

^a Serm. de Translat.
S. Monicę.

^b Serm. de Circumcis.

^c Lib. 8. De sacris diebus.

— memoratur eremum

*Incoluisse maris Thusci prope littora centum
Cellarum, quæ vicus erat, Tyberina petiuit
Ostia. —*

Vacabat hîc meditationi, commentationi, & librorum, præsertim de sanctissimâ Trinitate, scriptioni. In cuius mysterij profunditatem raptus cum aliquando circa littus versaretur, ferunt ei puerulum apparuisse, cochleari conantem mare totum exili includere alueolo: ad quem cum Augustinus, velut puerile & impossibile subrideret, puer magis impossibile respondit esse, immensum mare mysteriorum Dei, adeoque sanctissimæ Trinitatis immensitatem ambitu humani ingenij, quantumlibet capacis, arctare. Quare hoc sublimi opere tunc intermisso, totum se sanctitatis exercitiis, vnâ cum collegis & Eremitis ibidem dedit: *Simul, ait, eramus, simul habitabamus, placito sancto remoti à turbis.*

Volaterranus.

Lib. 9. Confess. cap. 8. & 10. Licent. Epist. 39. apud D. Augustin.

CA-